

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 07 » *Շրջանային* 2019թ.

N *42/58*

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Բ. Մեղրակյանի կողմից 23.08.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Ռիմա Վարդգեսի Բաղայանի կողմից Թումանյան փողոցի հ. 35ա շենքի հ. 53, հ. 54 հասցեում ինքնակամ իրականացվել է դիմային հատվածի վերակառուցման շինարարական աշխատանքներ, որի վերաբերյալ 23.08.2019 թվականին կազմվել է վարչական իրավախախտման վերաբերյալ թիվ 031529 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Ռիմա Վարդգեսի Բաղայանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Ռիմա Վարդգեսի Բաղայանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն նամակը չի հանձնվել՝ վերջինիս չհայտնաբերելու պատճառով կամ մինչ օրս ծանուցազրերը չեն վերադարձվել, իսկ քաղաքացին չի ներկայացել Երևանի քաղաքապետարան:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով՝ 23.08.2019 թվականին կազմված հ. 031529 արձանագրության հիման վրա հարուցված վարչական վարույթը 16.10.2019 թվականի հ. Վ-39/57 որոշմամբ կասեցվել է մինչև քաղաքացի Ռիմա Վարդգեսի Բաղայանին ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի քաղաքացի Ռիմա Վարդգեսի Բաղայանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի քաղաքացի Ռիմա Վարդգեսի Բաղայանին Երևանի քաղաքապետարանում 07.11.2019 թվականին կայանալիք նիստին ծանուցելու համար:

Քաղաքացի Ռիմա Վարդգեսի Բաղայանի լիազոր ներկայացուցիչ Վահագն Զալինյանը 07.11.2019 թվականին ներկայացել է Երևանի քաղաքապետարան և մասնակցել վարչական իրավախախտման գործի փաստական հանգամանքների քննարկմանը, հետևաբար վերացել է վերը նշված վարչական վարույթի կասեցման հիմքերը:

Քաղաքացի Ռիմա Վարդգեսի Բաղայանի լիազոր ներկայացուցիչ Վահագն Զալինյանը (նույնականացման քարտ 007843907 տրված 07.09.2015 թվականին 004-ի կողմից) բացատրություն տվեց այն մասին, որ չեն ընդունում իրավախախտումը: Պատուհանները փոխելու ժամանակ հին պլիտաները քանդվել են: Շարել են նորը:

Գործի քննության ընթացքում ուսումնասիրվեցին արձանագրությունը, սեփականության իրավունքի պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 05.09.2019 թվականի հ. 19/82566 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Ռիմա Վարդգեսի Բաղայանի կողմից Թումանյան փողոցի հ. 35ա շենքի հ. 53, հ. 54 հասցեում ինքնակամ իրականացվել է բնակարանի դիմային հատվածի /ճակատի/ վերակառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)

ՈՐՈՇԵՅԻ

1. Քաղաքացի Ռիմա Վարդգեսի Բաղայանի նկատմամբ 16.10.2019 թվականի հ. Վ-39/57 որոշմամբ կասեցված վարչական վարույթը վերսկսել:

2. Քաղաքացի Ռիմա Վարդգեսի Բաղայանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015213110 հաշվին:

4. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱԽԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ՄԵՐԴԱՆԻԿ ՄԱՐՏԻՐՈՍՅԱՆ